


مکملہ ادبی و سیاسی رسالہ

ادبی و سیاسی رسالہ اسبوعیہ در

۳۰ نجی سنہ



۱۲ جمادی الاولیٰ ۱۳۲۹

پنجشنبہ

جزو عدد : ۹۵

بوهنته نك همان هرساعتی قایینه نك احوال خصوصیه سیله گذران اولشد دینه بیلیر .
 هله مالیه ناظری جاوید بلك مسئله: استعفاي ، ذاتاً مشرف اندراس اولان حق پاشا
 قایینه سنی اهمیتلی بر صورتده صارصش اولسه کرکدر .

جاوید بلك ، هیئت حاضره نك یالکیز بر عضو فعالی دکادی ؛ بلکه امید استقبال مملکتک
 مدار تمایزی اولان افکار جدیده نك تمایل مشخصه سندن بولندیفی حیثیتله ، رفقاسی آره سنده
 حالاً و موقماً و خصوصاً افکار تشبیه ده مابه الاستنادی بولنان اعتماد نفس خاصه سنه مالکیتی
 اعتباریله الکمه می ایدی .

هر حکومت مشروطه ده مالیه ناظر لرینك موقعی مهم اولدیفی حاله بزده بواهمیت
 - مملکتک اصول حاضره مالیه سنه نظراً - ده ا عظیم در . اشته بوسیله درکه ، بوکونی
 اهمیت مالیه من منحصراً جاوید بلك شخصیه قائدر .

دولت عثمانیه نك تاریخ مالیه سنده محمود ناییدن بری اصول مالیه من براقچ دوره تجدد
 یکیرمشد . فقط هیچ بری مالیه به شکل لازمی وبره مامشدر . بناء علیه جاوید بلك بو عصرک
 تکملات مالیه سی نهدن عبارت ایسه ، آتی حقیقه صبر و درایت خزینه لرینی صرف ایدرک
 وقارشیه سینه چقان بیوک کوچک هر درلو موانعی چیکنه یوب کچرک ، مالیه منری ، مالیه
 دینه جک بر حاله کتیرمش و بوسلطن عظمایک آرزو ابتدیکمز اعتلای شانتی ، اعتبار مالیه منری
 استکماله آرامش و آتی ایسه الکصرکه کی استقراض مسئله سنده ثبات متجددانه سیله دوست
 و دشمنه طانتد برمشد .

تأسف اولنورکه الک مشکل بر زمانده - هر نه مقصد و مرام ابله اولورسه اولسون -
 جاوید بلك کی بر مالیه ناظری فدا اولنشد . بوگون اومقامی بحق کیم احراز ایدیه یله جکدر ؟
 اعتقاد منزه ، جاوید بلك خلفی هنوز ملوغ مامشدر . بزه دینورسه که:

— جاوید بلك فوت اولورسه نه یاجفز ؟

— جاوید بلك له الحمد بوگون بر حیاند . و مادام که بر حیاند ؛ مملکت آنک زندگی مادی -
 و معنوی سندن محروم ایدلا ملیدر . اولوم فرضیه سی مسائل سیاسیه واجتماعیه ده بر قضیه تشکیل

ایده من . بز ، حالت احتضارده کی مالیه منزه اعاده عافیت ایتدیرمهك بر ادمه محتاجز ؛ آتی ایسه مادر وطن تولید ایتش ؛ بزده مستفید اولمی ز .

بوجامع المحاسن کنجك ، فقط مالیه ده برپیر صدساله اولنجهیه قدر بردوام اولمنی عموم ابنای مملکت يك آواز اوله رق تنی ایدر .

حتی پاشا ، قابینه سنی محافظه ایچون مالیه ناظرینی دکل ، مالیه ناظرینك بقاسنی تأمین ایچون . منفعت مملکت خاطر ایچون اولسون قابینه سنی - فدا ایتلی در . حقیق و طنپورورلکه چسبان اولان وظیفه بودر . جاوید بکک موجب انفعالی اولان شہات حسودانه ایسه حد ذاتنده هر درلو اهمیتدن عاریدر .



بو هفته نك وقایع مهمه سندن بری ده مجلس ملینك ، مایسك اون دردینه قدر تمیدد اجتماعی حقندمه کی قرار وکلانك اراده به اقراران ایتسی در . بومدت قصیره تمیددك سببی ۱۶ مایسده روم ایله وقیع بوله جق عزیمت هایون اولدیغی مابین هایون باش کاتبك تذکره سنده افاده اولمشدر .

دول مشروطه نك کافه سنده مجالس منیه کشاده بولندیغی زمانلرده حکمدارلر ، بویله داخل ملکده دکل ، ممالک اجنبیه و مجاوره دن ایستدکاری یرلرده سیاحت ایدرلر . چونکه مذاکرات مجلسك دوام و یا انقطاعنه حکمدارک پای تختنده بولنوب بولنما مسنك دخل و تأثیری یوقدر . تذکره ده ، بودجه نك بومدت ظرفنده اکیال مذاکره سی خصوصی صورت مخصوصه ده توصیه اولمشدر ! قوه تشریعیه نك وظائفندن اولان امر مراقبه نك بومدت قلیله ظرفنده اتمامی مبعوثانجه قابل اولسه بیله اعیانه تعلق ایدن جهتی تدقیق و اکیاله امکان متصور میدر ؟ ثانیاً ولایت قانونی کی مهم بر قانون ، بودوره اجتماعیه ده همه حال مذاکره و اتمام اولنقی اقتضا ایدرکن آتی بر لایحه مطبوعه حائده براقق ، ولایات عثمانیه نك برسنه دها حال اغتشاش و مشوشیتده دوامنه راضی اولتی دیمک دکلیدر .

مبعوثانجه مدت اجتماعیه نك ۱۰ عوزه قدر تمیددی حقندمه برقرار امضالمنفده در . امید ایدر زکه قوه اجرائیه بو طلبك اهمیتنی نظر تقدیره آلمنی کانت عد ایتمز . چونکه اداره ایشلرینك حسن جریان قانون ایله قائمدر . قانونسز اداره نك نتیجه سی ایسه هرگون بر صورتله مشهود اولدیغی اوزره نك وخیمدر .

